



Universitätsbibliothek Paderborn

**R. P. Cornelii Hazart Societatis Iesv Theologi Discursus
Morales In Selectiora Loca Genesis, Exodi, Levitici,
Numerorum**

Hazart, Cornelius

Antverpiæ, 1688

Discursus XIX. Voluit sibi Deus offerri capreas.

[urn:nbn:de:hbz:466:1-52700](#)

4. Ut amorem illi exhibeas quando in necessitate est. Denique ut inimicis tuis non noceas. Hæc breviter.

Jam ostendo quod una pax sine altera non possit subsistere. 1. Nihil est quod pacem hominis magis turbet quam peccatum; hinc enim timores vel æternarum vel temporalium poenarum, hinc remorsus conscientiæ, anxietates de die, terrores de nocte, & sæpius desperatio. Sed qui peccat non habet pacem cum Deo, quia hostis est Dei: Ergo qui ratione peccati secum pacem non habet, non potest habere pacem cum Deo.

2. Qui non habet pacem cum Deo, non potest etiam pacem habere cum proximo hæc enim pax in amore consistit: Atque D. Ioannes dicit, quod qui non diligit fratrem suum, non diligit Deum: Ergo qui non habet pacem cum Deo, non habet pacem cum Proximo.

Hisce positis ille solus mansuetus dicendus est qui & secum, & cum Deo, & cum proximo pacem habet: Voluit ergo Deus columbas, mansuetum animal offerri sibi in veteri Testamento, ut significaret mansuetos homines sibi gratissimum fore Sacrificium in novo. Singulariter enim amat Deus pacificos & mansuetos quia Deus pacis est.

DISCURSUS XIX.

Voluit sibi Deus offerri capreas.

Intra cætera animalia capream, præsertim sylvestrem, velocitate præstare ex pluribus Scripturæ locis colligere licet; ac primum quidem ex *Cant. 2*, ubi sponsa dicit de sponso: *Similis est dilectus meus caprea, saliens in montibus, transiliens colles: Caprea, inquit, expedita, celerrima est in montibus, uno enim saltu ex uno colle transflit in alium, quamvis ab alio aliquot passus, aliquando sexagenos pedes, ut ait, Marcus Varro lib. 2 de re rustica, distantem. Hanc quoque celeritatem explicans Ecclesiasticus cap. 27: Effugit, inquit, quasi caprea de laqueo.* Denique ut *Scriptura lib. 2 Reg. cap. 2*, explicet quam velox fuerit *Azel* unus ex fortissimis *Israëlitis: Azel*, inquit, *cursus velocissimus fuit, quasi unus de capreis que morantur in sylvis.*

Hoc



Hoc ergo animal voluit sibi Deus offerri in Sacrificium ut ostenderet non sufficeret ut sibi serviat quoquo modo, sed ut ei serviamus expedite elociter.

Quam hoc genitum sit Deo docet nos Scriptura variis locis
Prov. cap. 13. Quia d' operari potest manus tua, instanter operare. Prov. cap. 22. Vidiſti virum velocem in opere suo, coram regibus stabit. Eccles. cap. 31. In omnibus operibus tuis esto velox. 2 Cor. cap. 9. Hilarum datum diligit Deus. Nam ut habet communem proverbium: *Qui Velocitas cito dat, bis dat.* Servi vel ancillæ veloces in opere, plus confident in operis unâ horâ, quam tardi duabus aut tribus: Non facile dici potest, quantum velocitas operibus ornamenti & momenti adjuvatur: Non enim, inquit *Ambrosius*, *Lib. 1 de Cain cap. 5.*, satis est recte facere, nisi etiam maturare quod facias: Uberiores fructus habet celerata devotio. Quis enim nescit recte facta tanto maiorem laudem ac mercedem mereri quo majori cum velocitate fiunt?

Ambulabat Christus, inquit *Mattheus*, *cap. 4 juxta mare Galileæ*, & vidit duos fratres Petrum & Andream mittentes rete in mare, & ait illis: *Venite post me & secuti sunt eum: Procedens inde*, vidit alios duos fratres Iacobum & Ioannem, & vocavit eos, & secuti sunt eum. Ingens erat opus sequi Christum vocantem, sed ideo longe præstantius, quod, ut ait Scriptura, *continuo ac statim*, relictis retibus ac navis, & ut putat *Abulensis*, ne quidem domum reversi ut domesticis valedicerent, *Christum* sequerentur: Tanta velocitas procul dubio reddebat opus longè præstantius, & laudabilius.

Idem videre licuit in *Mattheo*; cum enim, ut ipse metu narrat *cap. 9*, federet in telonio, transibat illac *Christus*, & non plura dicebat quam duo verba: *Sequere me*, & addit Scriptura, *surgens sequutus est eum*, & hoc mirabile: Sed longè mirabilius quod homo tam dives, tot implicatus negotiis, pecuniae tam avidus, statim ac sine mora, relictis omnibus, sequeretur: Operi tanto magnum ornamentum addebat velocitas.

Denique mirabile opus erat quod præstabat *Zacheus*, quando restituiebat non tantum bona quæ injustè lucratus fuerat, sed etiam in quadruplum; hominem tam avarum hoc facere, pœne miraculum erat, sed hoc facere uti narrat Scriptura, verum miraculum erat: Videbat illum *Christus* sedentem in arbore & ait: *Zacheus festinans descende, at ille, inquit Lucas, cap. 19 festinans descendit,*

VVV 3

cendit,

326 DISCURSUS MORALES IN
cendit, & excepit illum gaudens. Placuit Christo restitutio Zacharia, sed super omnia placuit velocitas restituendi, hinc statim audit: *Hodie huic domui salus facta est*, non dicit, tibi tantum salus facta est, sed toti domui tuæ, ut ostenderet tanto majus beneficium illi præstítisse, quanto magis ille festinaverat, & velocior fuerat in bono opere exequendo.

Hanc præ ceteris velocitatem animadverterunt ac laudarunt in Abrahamo D. Chrysostomus & Origenes.

Sic loquitur primus in cap. 28 Genes. Videbat Abraham advenientes de longe tres peregrinos, statim, inquit, currit & volat Abraham: Vedit enim prædam quam venabatur: Non vocavit famulos, sed cogitabat magna hæc est negotiatio, magnus thesaurus, per memetipsum hanc meream inferrere deboeo, ne elabatur tantum lucrum. Similitudinem capit Chrysostomus vel ab aquila quæ prædam, vel à cane qui leporem insectatur, uterque volat & currit velocissime ut prædam assequatur: Sciebat Abraham maximum esse opus misericordiæ ac charitatis, & magnum animæ lucrum peregrinos excipere, ideo currit quam potest citissime ut tam egregium opus exequatur, ne si lente procederet fortassis fervor vel hærendo, vel cunctando, paulatim flaccesceret.

Postquam autem eos in ædes suas induxerat, quidquid erat in domo æque velox fuit: Dicit enim Scriptura: Festinavit Abraham dixitque Sara uxori sue, accelerat; tria sata simile commisit, & faciūt cinerices panes: Ipse vero ad armentum cucurrit, & tulit inde vitulum tenerimum, deditque pueru, qui festinavit & coxit.

Ecce, inquit Origenes, in Genes. Abraham currit, uxor festinat, puer accelerat: Hinc verissimum est quod inde concludit: Nullus piger est in domo sapientis, seu justi.

Domus enim justi habitaculum est Spiritus sancti, ubi autem spiritus ille, ibi summa velocitas in omni opere bono: Nescit enim, inquit Ambrosius, Lib. 2 in Luc. cap. 1. Tarda molimina Spiritus sancti gratia.

B. V. Marie dixerat Angelus: Spiritus sanctus superveniet in te, & mox Spiritu sancto plena perrexit in montana, & summa cum festinatione iter illud peregit ut visitaret Elisabeth; ibat eo factura opus charitatis, nempe ut serviret Elisabeth in puerperio, impellebat illam ad hoc Spiritus sanctus: Ideo, ut inquit Lucas, abiit cum festinatione.

Vid.



Videbat Ezechiel cap. 1 currum divinæ majestatis quem trahebant quatuor animalia, bos, leo, aquila, & homo, & spiritus vita, inquit Scriptura, erat in rotis, & ubi erat impetus spiritus, illic gradiebantur: Sed quomodo? ibant & revertebantur in similitudinem fulguris coruscantis, nihil velocius fulmine, & unde tanta velocitas ex spiritu vita.

Denique quotquot spiritum Dei habuere, promptos & alacres sese exhibuere. David Psal. 118 dicit se non ambulasse, sed cucurisse per viam mandatorum Dei, & ut adhuc velocior foret, operabat sibi dari pennas columbae ut volaret. Samuel vix vocem Dei audirebat noctu cum dormiret, statim surrexit, ut audiret quid vellet: Tobias sedebat ad mensam inter amicos, intelligit aliquem ex filiis Israël occisum jacere in platea, statim relictō convivio surrexit ut eum sepeliret.

Nato Christo custodiebant gregem pastores, intelligunt Christum jacere in præsepio, & venerunt, inquit Scriptura, festinantes, ut natum puerum viderent.

Hanc etiam velocitatem in omnibus quæ ad Deum spectant, semper exigit Deus à servis suis. Cum vellet Loshum educere è Sodomis: Festina, inquit, & salvare: Cum vellet Petrum educere è carcere, surge, inquit, velociter: Cum vellet mittere Ieremiam ad prædicandum: Statim, inquit, accinge lumbos tuos, & surge: Cum invitaret sponsam ut veniret ad se: Surge, inquit, propera amica mea, & veni: Et ut omnes quotquot vellent Deo bene servire, haberent exemplar quo ad velocitatem excitarentur, proposuit illis filium suum, jussitque proclamari per Iesu Prophetam cap. 8 quod nomen illius filii, esset, accelerata, festina prædari, quasi dicaret, erit celerrimus prædator, qui animas è misera diaboli servitute eripiet, & ad hoc exequendum descendet de calis in terram instar avis volantis: Dicit enim Malachias cap. 4. Sanitas in pennis ejus, non dixit Propheta, in pedibus, quamvis Christus pedibus ad diversa loca discurreret ut ægros sanaret, vel mortuos suscitaret, sicuti quando ivit ad domum centurionis, Archisynagogi, Lazari &c. Non dixit etiam sanitas in manibus ejus, quamvis Christus per tactum vel impositionem manuum multos sanitati restituerit: Non dixit in ore ejus, quamvis solo verbo multos curaverit; sed dixit: Sanitas in pennis ejus ut velocitatem ejus exprimit.

primeret qua descendit de cælo ut totum genus humanum cœraret.

Hic habetis primum & supremum exemplar velocitatis in aënibus iis quæ spectant ad Deum, hoc secuti sunt quotquot placere Deo præ cæteris cupierunt; nos ergo, si Deo servire velimus perfectius, illorum vestigiis insistamus.

Sed hæc est humana miseria ut, vel plerique velociores sint ad temporalia & caduca, quam ad spiritualia & æterna. Summa festinatione & summa velocitate currimus ad dignitates, munia, beneficia Ecclesiastica, aut sæcularia, morte cuiusdam interveniente, non expectamus donec mortuus sit, sed ipso adhuc vivente, movemus cælum & terram: Tunc scribuntur litteræ, & inscribitur illis cito, cito, cito, & mittuntur citatis equis, vel ipse met follicitans equum ascendit, & quamvis sero vespere, e-greditur urbe, & totâ nocte celerrimè iter conficit ut præveniat alios, & sic ait Thomas à Kempis: *Pro modica probanda longa via curritur, Parisios, usque, inde Madritum vel Romanum.* Nemo quidem hoc passim reprehendat, quisque enim potest seipsum juvare, & sibi providere: Sed in hoc latet malum, inquit Thomas, *quod pro vita eterna vix pes à terra levetur.* Si avo, avunculo, propinquo, subito è vivis sublato, pinguis hæreditas adeunda est, volatur: Sed quam lentis passibus aditur hæreditas filiorum Dei: Si lucrum sc̄e offert aliquot florenorum, quantâ celeritate accurritur? siculum lucrandum aliquando expectatur in annos: Quanto impetu curritur ad convivia, symposia, choreas, comædias? quam languide ad divina officia?

Sancta Elisabetha, filia regis Hungarie, ita indies properabat ad templum ut missæ Sacrificio interesset, quasi multarum leucarum iter aggredieretur, unde pedissequæ illam vix assequi poterant. Jam vero non festinatur, sed differtur ad ultimum sacrum, ubi ære campano signum datur, mora trahitur, & lucro reputatur si sub Euangelium advenerint, tamdiu spiritus vanitatis in comendo & poliendo ad speculum detinet, donec plenè satisfecerint mundo, priusquam satisfaciant Deo.

Tales victimæ sunt quæ mundo offerantur, non Deo, vultus enim Deus capreas sibi offerri, hoc est eos qui sint velocius non tantum ad faciendum bonum, sed etiam ad patiendum; ideo spons-

sponsum suum esse similem Capreæ quæ salit in montibus, & transfilis colles.

Per montes & colles intelligit D. Gregorius, ea quæ patimur, seu graves difficultates, quæ nobis in hac vita occurunt: Tunc applicat Gregorius illa verba: *Saliens in montibus, transfilis colles*, difficultatibus quas Christus sine difficultate, quasi saltando cum velocitate sustinuit. Ingens mons erat pasci in stabulo, reclinari in præsepio majestatem illam, quam adorant angeli, & coram qua tremunt potestates cælestes: Ingentes montes erant circumciditi ut peccatorem, qui erat summa puritas, & sanctitas infinita: Fugere in Egyptum à facie hominis persequentis, qui omnipo-tens erat; duci in eremum, ut tentaretur à diabolo Deum qui venerat diabolum oppugnaturus: Jejunare quadraginta diebus, & quadraginta noctibus, eum qui dat escam esfuriens; Ingens mons erat blasphemari ab hominibus qui eum dicebant esse Samaritanum, & dæmonium habere, & in principe dæmoniorum ejicere dæmonia, quem in cælis laudabant omnes angeli, ac benedicabant: Denique quam ardui montes erant, capi, vinciri, alapis cædi, flagellari, conspui, coronari spinis, morti addici, per vicos & plateas Ierusalem incedere cruce onustum, crucifigi inter duos latrones, qui ipsa innocentia erat? Omnes illos montes Christus capreæ instar tantâ agilitate transfilis atque percurrit, quasi per amoenissima prata, aut hortos floribus vernantes discurreret. Nihil enim tam grave est quod non sit leve, nihil tam molestum quod non sit jucundum amori.

Nos omnes, inquit D. Petrus, Epist. 1 cap 2, sumus lapides vivi ex quibus ædificatur cæleste palatium: Lapides præsertim quadrati ex quibus domus struuntur, secari debent, & ictus mallei, ac scalpri subire ut aptam melioremque formam accipiant, sic multa pati debent ii ex quibus strui debet ædificium cæleste: Sed quia lapides vivi sumus, ut ait Petrus, intus spiritu agimus; ergo non sumus sicut lapides qui vitâ carent & sensu, adeoque se non movent nisi manibus fabrorum suis locis ponantur; sed lapides vivi, quando malleis tunduntur, & scalpuntur, & secantur, sponte volant in altum spiritu amoris, & transfilunt omnes difficultatum montes & colles, & per se summâ velocitate festinant, inquit Hieronymus, in cap. 3 Zachar. ut suo loco in ædificio cælesti ponantur: Graves quidem, quia lapides, sed velocissimi inter ictus

ictus & vulnera , quia lapides vivi , qui spiritu Dei aguntur. Hos amat Deus , & dignos estimat qui sibi in sacrificijum offerantur, sicuti olim sibi offerri volebat capreas , quia agile & velocissimum animal.

PARS V.

In Librum Numerorum.

DISCURSUS I.

Filiū Israël à monte Sinai profiscuntur in desertum Pharan.

CUrrebat jam annus secundus quo filii *Israël* egressi fuerant de *Ægypto* , & annum integrum commorati fuerant in deserto *Sinai* , juxta montem ejusdem nominis, quando mensis secundo illius anni, vigesimā die mensis, ut ait Scriptura, movit se nubes (quę hactenus fuerat dux itineris) signumque dedit proficisciendi , & mox etiam cōperunt castra movere filii *Israël*, ut praeuntem se nubem sequerentur, quocumque illos ducet. *Profectiq; sunt*, inquit Scriptura, per turmas suas de deserto *Sinai* , & duxit illos nubes in solitudinem *Pharan* , quę à monte *Sinai* distabat undecim dierum itinere. Solitudinem, ut referunt ii qui illam lostrarunt, inviam, & inaquosam, sterilem, & inarabilem, nullis hominibus nec bestiis habitatam, prēruptis rupibus ac montibus asperam, & ardentissimam ob solis aestum, denique molestissimam pedibus propter præaltas arenas.

Hinc discimus in prosperis non insolescere, nec abuti beneficiis Dei ; omnia *Israëlitis* apud montem *Sinai* ex voto successerant, multo tempore illic quieverant, & in otio vixerant, securi ab hostibus, recreati præsentia Dei, qui illis in monte *Sinai* sub igne & nubibus, pœne duobus mensibus, apparuerat, vicerant hostes suos *Amalecitas*, quotidie pluebat illis panis de celo absque ullo labore, non arabant, non serebant, non metebant. Denique in plenis deliciis ; unde tam insolentes facti erant ut vitulum aureum fabricarent ad adorandum, & surgerent, inquit Scipio.